


Handwritten text in a script, likely Indic, on a rectangular label. The text is arranged in several lines and is partially obscured by a dark, textured overlay.



編修臣黃良棟恭校

續通志

列傳

唐四十八

劉晏

潼

王紹

○○○○

李翼

第五琦

○○○○班宏

卷二百四十七

續通志

列傳 三十四

唐

田弘正 布

羣 王承元

牛元翼 傳良弼

史孝章

劉晏 潼

潼

第五琦

班宏

王紹

李翼

自此以下一百四十五行俱接前卷劉漣傳寫

田弘正字安道父廷玠尚儒學不樂軍旅與承嗣為從

昆弟仕為平舒丞遷樂壽清池東城河間四縣令以治

目錄不必寫

稱遷滄州刺史。李寶臣朱滔與承嗣不協。合兵圍滄州。廷玠固守連年。食盡無叛者。朝廷嘉其節。徙相州。承嗣盜磁相。廷玠無所回染。及悅代立。忌廷玠之正。召為節度副使。廷玠至。稱疾不出。悅過謝之。杜門不納。憤而卒。弘正幼通兵法。善騎射。承嗣愛之。以為必興吾宗。名之曰興。季安時為衙內兵馬使。同節度副使。封沂國公。後忌其正。出為臨清鎮將。欲因罪誅之。弘正陽痺痼。卧家不出。乃免。季安死。子懷諫襲。召還舊職。懷諫委政於家奴。蔣士則措置不平。衆怒。咸曰。兵馬使。吾帥也。牙兵即

詣其家迎之。弘正拒不納。衆譁於門。弘正出。衆拜之。脅還府。弘正頓於地。度不免。即令于軍曰。爾屬不以吾不肖。使主軍。今與公等約。能聽命否。皆曰。惟公命。因曰。吾欲守天子法。舉六州版籍。請吏於朝。苟天子未命。敢有請吾旗節者。死。殺掠人者。死。皆曰。諾。遂到府。殺士則。及支黨十餘人。於是圖魏博。相衛。貝。澶之地。籍其入。以獻。不敢署僚屬。而待王官。憲宗美其誠。詔檢校工部尚書。充魏博節度使。又遣司封郎中知制誥裴度宣慰。度明辯。具陳朝廷厚意。弘正不覺自失。乃深相結納。奉上益

謹復請度徧行其部。宣示天子恩詔。因令節度僉謀布衣崔懽奉表陳謝。且言欲變山東承襲舊風。然後退歸邱園。避賢者路。死不恨。制詔褒答。且賜今名。天子討蔡弘正。遣子布以兵三千進戰。數有功。李師道疑其襲已。不敢顯助。蔡故元濟失援。王師得致誅焉。王承宗叛。詔弘正以全師壓境。破其衆。南宮承宗懼。歸窮於弘正。弘正表諸朝。遂獻德棣二州以謝。納二子為質。俄而李師道拒命。詔弘正與宣武等五節度兵進討。弘正自楊劉度河。距鄆四十里。堅壁。師道大將劉悟率精兵屯河東。

戰陽穀。再遇再北。斬萬餘級。賊勢蹙。悟乃反。兵斬師道首。詣弘正降。取十有二州以獻。以功加弘正檢校司徒。同中書門下平章事。是歲來朝。對麟德殿。眷勞殊等。引見僚佐將校二百餘人。皆有班賜。進兼侍中。實封戶三百。擢其兄融為太子賓客。東都留司。弘正數上表固請留闕下。帝不許。遂還。悉遣子姓仕朝廷。帝皆擢任之。穆宗立。王承元以成德軍請帥。帝詔弘正兼中書令為節度使。弘正以新與鎮人戰。有父兄怨。取魏兵二千自衛。入其軍。時天子賜錢一百萬緡。不時至。軍有怨言。弘正

親加撫喻乃安仍請留魏兵為紀綱以持衆心度支崔
俊吝其稟沮卻之長慶元年七月歸衛兵於魏是月軍
亂并家屬將吏三百餘人皆遇害年五十八帝聞震悼
冊贈太尉謚曰忠愍子布羣年

布字敦禮幼機悟弘正戍臨清布知季安且危密白父
請以衆歸朝弘正竒之及得魏使布總親兵王師誅蔡
以軍隸嚴綬屯唐州凡十八戰破凌雲柵下郟城以功
授御史中丞蔡平入為左金吾衛將軍諫官嘗論事帝
前同列將麾卻之布止曰使天子容直臣毋輕進弘正

徙成德以布為河陽節度使父子同日受命布所至必省
冗將募戰卒寬賦勸穡人皆安之長慶初徙涇原弘正
遇害魏博節度使李愬病不能軍公卿議以魏彊而鎮
弱且魏人素德弘正以布之賢而世其官可以成功穆
宗遽召布解纒拜檢校工部尚書魏博節度使乘傳以
行布號泣固辭不聽乃出伎樂與妻子賓客決曰吾不
還矣未至魏三十里跣行被髮號哭而入居堊室屏節
旄凡將士老者兄事之祿奉月百萬一不入私門又發
家錢十餘萬緡頒士卒以牙將史憲誠出麾下可任乃

委以精銳。時中人屢趣戰。而度支饋餉不繼。布輒以六州租賦給軍。引兵三萬進屯南宮。破賊二壘。於是朱克融據幽州。與王廷湊脣齒。河朔三鎮舊連衡。桀驁自私。而憲誠蓄異志。陰欲乘釁。又魏軍驕。憚格戰。會大雪。師寒糧乏。軍中謗沸。憲誠得間。因以搖亂。會有詔分布軍。合李光顏救深州。兵怒不肯東。衆遂潰。皆歸憲誠。唯中軍不動。布以中軍還。魏明日會諸將議事。衆譁曰。公能行河朔舊事。則生死從公。不然。不可以戰。布度衆且亂。歎曰。功無成矣。即為書謝帝曰。臣觀衆意。終且負國。

臣無功不敢忘死。哭授其從事李石訖。乃入至几筵。引刀刺心曰。上以謝君父。下以示三軍。言訖而絕。年三十八。贈尚書右僕射。謚曰孝。子鐵在宥。鐵宣宗時。歷銀州刺史。坐以私鎧易邊馬論死。宰相崔鉉奏布死節。可貸鐵以勸忠烈。故貶為州司馬。在宥大中年。為安南都護。頗立邊功。羣會昌中。歷蔡州刺史。坐贓且抵死。兄肇聞之。不食卒。宰相李德裕奏。漢河間人尹次。潁川人史玉。坐殺人當死。次兄初。玉母渾。詣官請代。因縊。於時皆赦其死。於是武宗詔減死一等。

牟寬厚明吏治為神策大將軍開成初鹽州刺史王宰
失羌人和詔年代之累遷鄜坊節度使再徙天平三為
武寧一為靈武軍至檢校尚書左僕射卒諸子皆有方
面功以忠義為當世所高

王承元者承宗弟也有沈謀年十六勸承宗亟引兵共
討李師道承宗少之不用然軍中往往指目之承宗死
未發喪大將謀取帥宅姓參謀崔燧與諸校計以祖母
涼國夫人李氏命承元嗣承元泣拜不受諸將牢請承
元曰上使中貴人監軍盍先請監軍至又如命乃謝曰

諸君不忘王氏以及孺子苟有令其從我乎衆曰惟所
命遂於衙門都將所視事約左右不得稱留後事一關
參佐密表請帥於朝穆宗詔起居舍人栢耆宣慰授承
元檢校工部尚書義成軍節度使北鎮以兩河故事脅
誘承元不納諸將皆悔耆至士哭于軍承元令曰諸君
不欲我去意固善雖然格天子詔我獲罪奈何前李師
道有詔赦死欲舉族西諸將止弗遣他日乃共殺之今
君等幸置我無與師道比乃徧拜諸將諸將語塞承元
即出家資盡賜之斬不從命者十輩軍乃定入朝昆弟

拜刺史者四人。位於朝者四十人。祖母入見。帝命中宮禮賚異等。徙承元廊坊丹延節度。俄徙鳳翔。鳳翔右袤涇原地。平少巖險。吐蕃數入盜。承元據勝地為鄣。置守兵千。詔號臨沂城。以勞封岐國公。五年。徙節平盧淄青。始鹽禁未嘗行兩河。承元請歸有司。由是兗鄆諸鎮皆奉法。承元資仁裕。所至愛利。卒年三十三。贈司徒。

牛元翼。趙州人。材果而謀。王承宗時。倚其計為彊雄。與傅良弼二人冠諸將。王廷湊叛。穆宗以元翼在成德。名出廷湊遠甚。自深州刺史擢為深冀節度使。以攜其軍。

廷湊怒。遣部將王位以銳兵攻元翼。不勝。乃合朱克融共圍之。詔進元翼成德軍節度使。以宣武兵五百進援。元翼固守。長慶二年。詔赦廷湊罪。徙元翼山南東道。以深州賜廷湊。使中人促元翼南。廷湊恨之。已受詔。兵不解。招討使裴度詔書。請讓克融。解而歸。廷湊退舍。詔並加檢校工部尚書。兩悅之。淹月。元翼率十餘騎冒圍出。朝京師。廷湊入。盡殺元翼親將臧平等百八十人。元翼見廷英。賚問優緜。命中人楊再昌取其家。廷湊辭以須秋遣。元翼聞平等死。憤恚卒。悉還所賜于朝。廷湊遂夷。

其家

良弼字安道。清河人。以射冠軍中。初瀛之博野樂壽介范陽成德間。每兵交。先薄二城。故常為劇屯。德宗以王武俊破朱滔功。皆隸成德。故以良弼守樂壽。李寰守博野。廷湊之叛。兩賊交誘之。而堅壁為國固守。有詔以樂壽為左神策行營。拜良弼為都知兵馬使。寰所領士隸右神策。號忻州營。亦以寰為都知兵馬使。賜第京師。俄以良弼為沂州刺史。良弼率眾出戰。力乃得去。寰引兵三千趨忻州。廷湊邀之。寰斬三百級。追者不敢前。天子

以良弼寰忠有狀。乃更賜奴婢服馬。召良弼為左神策軍將軍。寶歷初。擢夏綏銀節度使。異時蕃帳亡命來者。必償馬。乃與良弼至。皆執付其部。首種歡懷。終橫海節度使。寰累擢保義軍節度使。後授夏綏宥節度使。卒。

史孝章字得仁。資修謹。退讓如諸生。魏博節度使李勣奇之。檄試都督府參軍。父憲誠得魏。遷士曹參軍。孝章見父數奸命。內非之。嘗雪涕陳逆順。朝廷聞而嘉之。授孝章節度副使。累遷檢校左散騎常侍。進檢校工部尚

書尋入朝。勞予蕃厚。憲誠亦上書求覲。帝知非憲誠意。特緣孝章悟發。故分相衛潭而授孝章節度使。未至。魏人亂。父死于軍。帝念史氏禍而卹孝章。故奪喪拜右金吾衛將軍。徙節度鄜坊。進檢校戶部尚書。久之。自邠寧以病丐還。卒于行。年三十九。贈尚書右僕射。孝章本名唐。後改今名。

憲誠弟憲忠。字元貞。少為魏牙門將。田弘正討齊蔡。常為先鋒。閱三十戰。中流矢。酣鬪不解。由是著名。憲誠表為貝州刺史。魏亂。奔京師。加累檢校右散騎常侍。隴州

刺史。增亭鄣。徙客館於外。戎謀無所伺。會昌中。築三原城。吐蕃因之數犯邊。拜憲忠涇原節度使。吐蕃遣使來請墮城。且願以嘗殺使者之人置塞上。憲忠知其點。遣使謝之。吐蕃情得而服。會党項羌內寇。又徙朔方。有詔馳驛赴屯。憲忠請徐行。許之。乃移書與羌人示要約。羌人乃皆喜。奉酒湏迎道。憲忠廉儉。少所欲。故所至莫不以病自丐。改左龍武統軍。卒年七十一。贈司空。

劉晏。字士安。曹州南華人。玄宗封泰山。晏八歲。按舊書作七歲

書尋入朝。勞予蕃厚。憲誠亦上書求覲。帝知非憲誠意。特緣孝章悟發。故分相衛。澶而授孝章節度使。未至。魏人亂。父死于軍。帝念史氏禍。而卹孝章。故奪喪拜右金吾衛將軍。徙節度鄜坊。進檢校戶部尚書。久之。自邠寧以病丐還。卒于行。年三十九。贈尚書右僕射。孝章本名唐。後改今名。

憲誠弟憲忠。字元貞。少為魏牙門將。田弘正討齊蔡。常為先鋒。閱三十戰。中流矢。酣鬪不解。由是著名。憲誠表為貝州刺史。魏亂。奔京師。加累檢校右散騎常侍。隴州

刺史。增亭鄣。徙客館於外。戎謀無所伺。會昌中。築三原城。吐蕃因之。數犯邊。拜憲忠涇原節度使。吐蕃遣使來請墮城。且願以嘗殺使者之人置塞上。憲忠知其黠。遣使謝之。吐蕃情得而服。會党項羌內寇。又徙朔方。有詔馳驛赴屯。憲忠請徐行。許之。乃移書與羌人示要約。羌人乃皆喜。奉酒湏迎道。憲忠廉儉。少所欲。故所至莫不懷德。累封北海縣子。檢校尚書左僕射。兼金吾大將軍。以病自丐。改左龍武統軍。卒年七十一。贈司空。

劉晏。字士安。曹州南華人。玄宗封泰山。晏八歲。

按舊書作七歲

晏八歲據舊書作七歲按後文晏賜死時年歲新舊書不符無可考核今仍新書加按聲明

晏賜死時。新書年六十五。舊書年六十六。考明皇封泰山。在開元十三年乙丑。晏死。在建中元年庚申。若從新書作八歲。則晏年當六十三。從舊書七歲。則六。獻頌行十二。兩書本傳前後俱不相符。今仍新書原文。六。獻頌行在帝奇其幼。命張說試之。說曰。國瑞也。即授太子正字。天寶中。累調夏令。未嘗督賦。而輸無逋期。舉賢良方正。補溫令。所至有惠利。民皆刻石以紀。再遷侍御史。祿山亂。避地襄陽。永王璘署晏右職。固辭。詔拜度支郎中。兼侍御史。領江淮租庸事。晏至吳郡。而璘反。乃與採訪使李希言謀拒之。希言假晏守餘杭。發兵堅壁。會王敗。欲轉略州縣。聞晏有備。遂自晉陵西走。以功拜彭原太守。

徙隴華二州刺史。遷河南尹。時史朝義盜東都。乃治長水。進戶部侍郎。兼御史中丞。度支鑄錢鹽鐵等使。尋兼京兆尹。司農卿嚴莊下獄。晏遣吏防守其家。已而釋。誣劾晏漏禁中語。宰相蕭華亦忌之。貶通州刺史。代宗立。復為京兆尹。戶部侍郎。領度支鹽鐵。轉運鑄錢租庸使。晏以戶部讓顏真卿。改國子祭酒。又以京兆讓嚴武。即拜吏部尚書同中書門下平章事。使如故。坐與程元振善。罷為太子賓客。俄兼御史大夫。領東都河南江淮轉運租庸鹽鐵常平使。時大兵後。京師米斗千錢。禁膳不

按通鑑晏於江汴河濱創造
運船教漕卒運穀每歲至百
餘萬斛新舊書俱逸其事
加按聲明

兼時。旬農按穗以輸。晏乃自按行。浮淮泗。達於汴。入于
河。右循底柱。硤石。觀三門遺跡。至河陰鞏洛。見宇文愷
梁公堰。廝河為通濟渠。視李傑新堤。盡得其勢。然畏為
人牽制。乃移書宰相元載。言利害。載方內擅朝權。既得
書。即盡以漕事委晏。故得盡其才。凡歲致四十萬斛。
自是關中雖水旱。物不翔貴。按通鑑。晏以江汴河渭
水力不同。各隨便宜。造
運船。教漕卒。緣水置倉。轉相受給。自是
每歲運穀至百餘萬斛。無升斗沈覆者。再遷吏部尚
書。又兼益湖南荆南山南東道轉運常平鑄錢使。與
第五琦分領天下金穀。又知吏部三銓事。常袞執政。

忌晏有公望。乃言晏舊德。當師長百僚。用為左僕射。實
欲奪其權。帝以計務方治。詔以僕射領使如舊。初。晏分
置諸道租庸使。慎簡臺閣士專之。時經費不充。停天下
攝官。獨租庸得補署。且數百人。皆新進銳敏。趣督倚辦。
雖權貴干請。欲假職仕者。晏厚以稟入奉之。未嘗使親
事。是以人人勸職。第五琦始權鹽佐軍興。晏代之。法益
密。利無遺入。初歲收緡錢六十萬。末乃什之。計歲入千
二百萬。而權居大半。民不告勤。京師鹽暴貴。詔取三萬
斛以贍關中。自揚州四旬至。都人以為神。至湖嶠荒險。

處所出貨皆賤弱。不償所轉。晏悉儲淮楚間買銅易薪。歲鑄緡錢十餘萬。其措置纖悉如此。每朝謁。馬上以鞭算。質明視事。至夜分止。雖休澣不廢。事無閑劇。即日剖決無留。所居修行里。粗樸庠陋。飲食儉狹。室無媵婢。然任職久。勢軋宰相。要官華使多出其門。故議者頗言晏任數固恩。德宗立。言者屢請罷轉運使。晏亦固辭不許。又加關內河東三川轉運鹽鐵及諸道青苗使。始楊炎為吏部侍郎。晏為尚書。不相下。元載得罪。詔晏鞠治。而炎坐貶。及炎執政。銜宿怒。先是帝居東宮。代宗寵獨孤

妃而愛其子韓王。宦人劉清潭與嬖幸請立妃為后。且言王符異。以搖東宮。時妄言晏與謀。至是炎見帝流涕曰。賴祖宗神靈。先帝與陛下不為賊臣所間。不然劉晏黎幹搖動社稷。凶謀果矣。今幹伏辜而晏在。臣位宰相不能正其罪。法當死。崔祐甫崔寧力相解釋。寧尤切至。炎怒。斥寧于外。遂罷晏使。坐新故所交簿物抗謬。貶忠州刺史。炎必欲傳其罪。知庾準與晏素憾。乃擢為荆南節度使。準即奏晏與朱泚書。語言怨望。又蒐卒擅取官物。脅詔使謀作亂。炎證成之。建中元年七月。詔賜晏死。

年六十五。後十九日。賜死。詔書乃下。且暴其罪。家屬徙嶺表。坐累者數十人。天下以為冤。興元初。帝寢寤。乃許歸葬。貞元五年。遂擢晏子執經為太常博士。宗經。秘書郎。執經還官。求追命。有詔。贈鄭州刺史。又加司徒。晏歿二十年。而韓洄。元瑋。裴映。李衡。包佶。盧徵。李若初。繼掌

管蕭之亞云

付增

瑋後以尚書右丞判度支。國之為橫。敏而軍旅。儕為韓滉所惡。貶雷

州司戶參軍

詳見韓滉傳

為興以兵部侍郎判度支。封聞喜縣公。衡。歷戶部侍郎。佶。潤

州。延陵人。父融。以詩名。晏奏。作為汴東兩稅使。佶累官諫議大夫。坐善元載。貶嶺南。晏奏。起為汴東西稅使。晏罷。以佶充諸道鹽鐵。輕貨錢物。使終秘書監。丹陽郡公。徵累官戶部侍郎。歷同華。二州刺史。若初。累官浙西觀察。諸道鹽鐵使。時天下錢少。貨輕。州縣禁錢不出境。商賈不通。若初始奏。經錢以起。萬貨詔可。卒。贈禮部尚書。

河南尹于頔代之。暹終潮州刺史。

暹孫潼。字子固。擢進士第。杜棕判度支。表為巡官。累遷

祠部郎中。大中初。討党項。羌軍食乏。宰相欲以潼為使。

難其遣。潼請行。遂命為供軍使。會復河湟。調師屯守。以

潼判度支。河湟供軍案。歷京兆少尹。山南有劇賊。依山

為剽。宣宗怒。欲討之。宰相崔鉉曰。此陛下赤子。迫於飢

寒。弄兵山谷間。不足討。請遣使喻釋之。詔潼馳往。潼挺

身直叩其壘。曰。有詔赦爾罪。盜皆列拜。約潼就館而降。

會山南節度使封敖。遣兵擊賊。潼罷歸。數陳邊事。擢右

年六十五。後十九日。賜死詔書乃下。且暴其罪。家屬徙嶺表。坐累者數十人。天下以為寃。興元初。帝寢寤。乃許歸葬。貞元五年。遂擢晏子執經為太常博士。宗經。秘書郎。執經還官。求追命。有詔贈鄭州刺史。又加司徒。晏歿二十年。而韓洄。元瑋。裴映。李衡。包佶。盧徵。李若初。繼掌財利。皆晏所辟用。晏既被誣。而舊吏推明其功。著論以為管蕭之亞云。

晏兄暹。為汾州刺史。天資疾惡。所至以方直為觀察使。所畏。建中末。召為御史大夫。宰相盧杞憚其嚴。更薦前

河南尹于頔代之。暹終潮州刺史。

暹孫潼。字子固。擢進士第。杜悰判度支。表為巡官。累遷祠部郎中。大中初。討党項。羌軍食乏。宰相欲以潼為使。難其遣。潼請行。遂命為供軍使。會復河湟。調師屯守。以潼判度支。河湟供軍案。歷京兆少尹。山南有劇賊。依山為剽。宣宗怒。欲討之。宰相崔鉉曰。此陛下赤子。迫於飢寒。弄兵山谷間。不足討。請遣使喻釋之。詔潼馳往。潼挺身直叩其壘。曰。有詔赦爾罪。盜皆列拜。約潼就館而降。會山南節度使封敖遣兵擊賊。潼罷歸。數陳邊事。擢右

諫議大夫出為朔方靈武節度使坐累貶鄭州刺史改
湖南觀察使召為左散騎常侍拜昭義節度使徙河東
又徙西川時李福討南詔兵不利潼至真以恩言蠻皆

剛又擊其不服者六字擊其不服者南詔大懼自是不敢犯邊接以功加

如約下增六姓蠻持兩端為南詔間候禮出兵襲擊俘五千人南詔大懼

自是不敢犯邊吳縝糾謬云按南詔傳潼為西川節度使之時即懿宗咸通七年八年之間也

當時南詔方強南寇安南西擾成都至咸通十年又自沐源入寇嘉州由此言
之則南詔何嘗不敢犯邊乎若云以功加注云太守賀蘭進明才之安祿山反進

明徙北海奏琦為錄事參軍事時賊已陷河間信都進
明未戰元宗怒遣使封刀趣之曰不亟進即斬首進明

懼不知所出琦勸厚以財募勇士出賊不意如其計復
收所陷郡肅宗駐彭原進明遣琦奏事既謁見即陳今
之急在兵兵彊弱在賦賦所出以江淮為淵若假臣一
職請悉東南寶貨飛餉函洛帝悅拜監察御史句當江
淮租庸使遷司虞員外郎河南等五道支度使遷司金
郎中兼侍御史諸道鹽鐵鑄錢使鹽鐵名使自琦始進
度支郎中兼御史中丞當軍興隨事趣辦不益賦而用
以饒於是遷戶部侍郎判度支河南等道支度轉運租
庸鹽鐵鑄錢司農太府出入山南東西江西淮南館驛

諫議大夫出為朔方靈武節度使。坐累貶鄭州刺史。改湖南觀察使。召為左散騎常侍。拜昭義節度使。徙河東。又徙西川。時李福討南詔。兵不利。潼至。填以恩信。蠻皆如約。又擊其不服者。南詔大懼。自是不敢犯邊。以功加檢校尚書右僕射。卒。贈司空。

第五琦。字禹珪。京兆長安人。少以吏幹事韋堅。堅敗。不得調。久之。為須江丞。太守賀蘭進明才之。安祿山反。進明徙北海。奏琦為錄事參軍事。時賊已陷河間。信都。進明未戰。元宗怒。遣使封刀趣之。曰。不亟進。即斬首。進明

懼。不知所出。琦勸厚以財募勇士。出賊不意。如其計。復收所陷郡。肅宗駐彭原。進明遣琦奏事。既謁見。即陳今之急。在兵。兵彊弱。在賦。賦所出。以江淮為淵。若假臣一職。請悉東南寶貨。飛餉函洛。帝悅。拜監察御史。句當江淮租庸使。遷司虞員外郎。河南等五道支度使。遷司金郎中。兼侍御史。諸道鹽鐵鑄錢使。鹽鐵名使。自琦始。進度支郎中。兼御史中丞。當軍興。隨事趣辦。不益賦。而用以饒。於是遷戶部侍郎。判度支。河南等道支度。轉運。租庸。鹽鐵。鑄錢。司農。太府。出入山南。東西。江西。淮南。館驛。

等使乾元二年進同中書門下平章事初琦請鑄乾元重寶錢以一代十既當國又鑄重規一代五十會物價騰踊餓饉相望議者以為非詔貶忠州長史會有告琦納金者遣御史馳按琦辭曰位宰相可自持金邪若付受有狀請歸罪有司御史不曉以為具服獄上之遂長流夷州寶應初起為朗州刺史有異政拜太子賓客吐蕃盜京師郭子儀表為糧料使兼御史大夫關內元帥副使改京兆尹俄加判度支鑄錢鹽鐵轉運常平等使累封扶風郡公復以戶部侍郎兼京兆尹坐與魚朝恩

按舊書年七十今仍新書加按聲明

按舊書父景倩秘書監今仍新書加按聲明

善貶括州刺史徙饒湖二州復為太子賓客東都留守德宗素聞其才將復用召之會卒年七十一按舊書年七十贈太子少保子峯婦鄭皆以孝表門

班宏衛州汲人父景倩國子祭酒按舊書父景倩秘書監以儒名

家宏天寶中擢進士第調右司禦曹參軍高適鎮劍南表為觀察判官青城人以左道惑眾謀作亂事覺誣引屯將規緩死眾兇懼宏驗治即殺之人心大安大歷中擢起居舍人四遷給事中累進吏部侍郎貞元初仍旱蝗賦調益急以戶部侍郎副度支使韓滉俄而竇參

當國代滉使而參任大理司直時宏已為刑部侍郎德宗以宏熟天下計故進宏尚書副參參久不歸使於宏乃與參有隙帝後遇參薄參知之欲歸使然不欲宏專遂薦張滂為戶部侍郎鹽鐵轉運使而以宏判度支分滂關內河東劍南山南西道鹽鐵轉運隸宏以悅其意又還江淮兩稅置巡院官令宏滂共差擇滂請鹽鐵舊簿書於宏宏不與及署院官更持可否官之不補滂奏言臣職不修無逃死如國家大計何由是有詔分掌宏見宰相辭曰宏主漕歲得江淮米五十萬斛前年至七

十萬今職移於人敢請罪滂在側僂曰公所言非也朝廷不奪公職乃公喪官緡縱姦吏自取咎爾凡為度支胥吏不一歲家輒鉅億僮馬產第侈王公非盜縣官財何以然上既知之故令滂分掌今公無乃歸怨上乎宏不答於是移病歸第宰相白其狀詔許如劉晏韓滉故事以東都河南淮南江南山南東道兩稅滂主之東渭橋以東巡院隸焉關內河東劍南山南西道宏主之宏清潔勤力晨入官署夕而出吏不堪其勞而已益恭參得罪宏為有力卒年七十三贈尚書右僕射謚曰敬後

二年滂亦罷為衛尉卿

王紹本名純避憲宗諱改焉自太原徙京兆之萬年父端第進士有名終工部員外郎紹少為顏真卿所器字之曰德素奏為武康尉包佶領租庸鹽鐵使署判官時李希烈阻兵江淮輸物留梗乃徙餉道自潁入汴紹入關德宗已西狩乃督輕貨趣間道走洋州紹先見行在帝勞之曰吾軍乏春服朕且衣裘奈何紹流涕曰佶遣臣貢奉無慮五十萬當即至後五日繼至由是紓難遷倉部員外郎是時兵旱無年詔戶部收闕官俸稅茶及

無名錢以修荒政紹由員外郎判務遷戶部兵部郎中皆專領進戶部侍郎判度支頃之遷尚書主計凡八年順宗立王叔文奪其權拜兵部尚書出為東都留守元和初檢校尚書右僕射為武寧軍節度使復以濠泗二州隸其軍裨將安進達唐重靖謀亂紹以計取之出家貲賞士舉軍安賴復拜兵部尚書判戶部卒年七十二贈右僕射謚曰敬

李巽字令叔趙州贊皇人以明經補華州參軍事舉拔萃授鄆尉進累左司郎中常州刺史召拜給事中出為

按舊書年七十一今仍新書加按聲明

湖南觀察使貞元五年徙江西異銳於為治持法察吏不敢少給順宗立擢兵部侍郎杜佑表為鹽鐵轉運副使俄代佑使任自劉晏後職廢不振賦入朘耗異泣職一年較所入如晏最多之年明年過之又明年增百八十萬緡再遷吏部尚書程异坐王叔文廢異特薦之异計較精於異故異能善職盖有助云元和四年疾草郎官省候異言不及病但與商校程課功利是夕卒年六十三按舊書年七十一贈尚書右僕射異為人忌刻校怨竇參為相出異常州及參貶郴州異時觀察湖南宣武節度

使劉士寧致絹數千匹於參異即劾參交通藩鎮遂殺參

